



# 2007 Police Accountability Review Panel

## Wararka Talo- bixinta

Waa mid durba la baahinayo

Aug. 21, 2007

Xidhiidhka: Garsoore Terrensi Kaarroll, ret., 206.223-1669  
[carroll@jdrllc.com](mailto:carroll@jdrllc.com)  
Bob Scales, 206.684-8050  
[bob.scales@seattle.gov](mailto:bob.scales@seattle.gov)

### **Golaha Naqtiinka Ka-masiuul-ahaansha Boolisku wuxuu 10-ka Sebteembar doonayaa in uu fikradaha dadweynaha helo.**

*Waxaa bulshada loogu baaqayaa in ay fikradahooda ka dhiibtaan qaab-dhismeedka iyo geeddi socodka hannaanka ka-mas'uul ahaanshaha booliska Seattle*

SEATTLE – Garsoore Terrensi Kaarroll, ret., guddoomiyaha Golaha Naqtiinka Ka-mas'uul-ahaanshaha Booliska 2007, wuxuu maanta sheegay in shirka uu goluhu qabanayo 10-ka Sebteembar uu ku ururinayo fikradaha uu dadweynuhu ka dhiibanayo geeddi- socodyada hawleed ee hannaanka ka-mas'uul ahaanshaha booliska Seattle, iyo weliba waxa shakhsiyan lagala kulmay Xafiiska Ka-mas'uul-ahaanshaha Khibradeed. Waxaa shirka la-qaban doonaa 6:30 illaa 9.00 Pm, waxaana lagu qaban doonaa Hoolka Bertha Knight Landes, ee ku yaalla Hoolka Magaalada, 600 40<sup>th</sup> Ave. Kuwa doonaya in ay fikradahooda dhiibtaan waa in ay saxeeaan 6:00 Pm. Waxaa dadka hadlayaa loo oggolyahay waqti ugu badnaan dhan 3 daqiiqo. Kuwa aan karayn in ay shirka ka soo- qaybgelaan, waxay fikradahooda oo qoraal ah nogu soo-gudbin karaan ciwaankayaga email ka: [pareviewpanel@seattle.gov](mailto:pareviewpanel@seattle.gov): ama boosta maraykanka:

Bob Scales  
2007 Police Accountability & Review Panel Support  
City of Seattle, Office of Policy & Management  
(Xafiiska Siyaasadda iyo Maaraynta ee Seattle)  
P.O. Box (Sanduuqa Boosta) 94745  
Seattle, WA 98124-4745

Fikradaha la dhiibanayo waxay galayaan diiwaangalka dadweynaha.

Carroll wuxuu yidhi, " Tani waa fursad ay bulshadu si toos ah ugu dhiiban karto fikradaheeda ku-wajahan hannaanka ka-mas'uul-ahaanshaha booliska Seattle." Wuxuu intaa ku-daray, " Golahayagu arrimaha dhinacyo badan ayuu ka eegayaa, sidaa-darteed waxaanu rajaynaynaa in aynu fikrado kala-duwan ka maqalno xubnaha bulshada. Fikradaha nala-siinayo waxay noqon doonaan kuwo waxtar badan u leh naqtiinka aynu samayn doonno."

Jaanalka Seattle ayaa duubi doona geeddi-socodka shirkaa, waxaanad muqaalka (fidhiyoowga) ka daawan kartaa khadkayaga website-ka ee ah: [www.seattle.gov/policeaccountabilityreviewpanel/](http://www.seattle.gov/policeaccountabilityreviewpanel/)

--dheeraad--

**Golaha Naqtiinka Ka-masiuul-ahaansha Boolisku wuxuu 10-ka Sebteembar doonayaa in uu fikradaha dadweynaha helo**  
**August 21, 2007**  
**Bogga 2<sup>aad</sup> ee 2**

Bishii June 29,2007, ayuu Duq Mayor Greg Nickels uu magacaabay guddi 11- xubnood ka kooban oo naqtiin ku samaynaya hannaanka ka-mas'uul- ahaanshaha oo soo saara talo-bixin lagu wanaajinayo. Waxaa la filayaa in aynu warbixintayada duqa u gudbino bisha Noofeember.

Guddigu wuxuu baadhi doonaa qaab-dhismeedka iyo geeddi-socodyada hannaanka ka- mas'uul ahaanshaha booliska Seattle. Kaddibna waxaannu soo-saari doonaa warbixin muujinaysa waxyaalaha aynu la kullnay iyo talooyinka la soo-jeediyay ee xaaladda lagu wanaajinayo. talooyinka la soo-jeediyay waxaa loo-gudbin doonaa duqa magaalada saldhig ugu- naqdaan tallaabooyinka lagu xaqiijinayo in ay magaalada Seattle ka-jiraan geeddi-socdyo cadcaddaani, ka-mas'uul-ahaansho iyo waxtarba leh.

Xubnaha guddigu waxa yihiin: Garsoore Terrensi A. Kaarroll, ret., guddoomiye; Bob Boruchowitz, guddoomiye ku-xigeen; Jenny A. Durkan; Lorena González; Pramila Jayapal; Gary Locke; Hubert G. Locke; Judith Krebs; Mike McKay; Norman B. Rice; iyo Jennifer Shaw.

Booliska wuxuu la-socdaa (korka ka ilaaliyaa) saddex arrimood oo magaalada Seattle ah; mas'uuliyadda kor kala-socoshada baadhitaanka waxaa iska-leh Xafiiska Ka-mas'uul- ahaanshaha khibradeed (OPA). Hadafka OPA-du wuxuu yahay in uu qaabilo, baadhitaana ku-sameeyo dhaqan-xumada booliska ee ay mumaaddiniintu soo-gudbinayaan. Xafiiska Hanti- dhawrka Ka-mas'uulahaanshaha Khibradeed iyo Xafiiska Golaha Naqtiinka ee Ka-mas'uul- ahaanshaha Khibradeed waxay dib-u hubinaayaan oo ka war bixinaayaan hawsha OPA.

Xafiiska ka-mas'uul-ahaansha Khibradeed waxaa la aasaasay bishii Nofeembar 1999, taas oo ahayd mid lagaga jawaabayay talooyin uu soo-jeediyay guddiga uu magacaabay Paul Schell oo waqtigaas ahaa duqa magaalada, waxayna ujeeddadu ahayd in la qiimeeyo arrinta la-xidhiidha ka-mas'uul ahaanshaha shaqaalaha ka-shaqeeya Waaxda Booliska ee Seattle, iyo weliba geeddi socodka la isticmaalayo si loo-baadho warbixinada ku-saabsan anshax-xumada booliska.

Sanadkii 1999, kaddib markii muddo saddex bilood ahayd baadhitaan la-sameeyay ayuu goluhu soo-saaray warbixintiisi ugu-dambaysay. Inkasta oo ayna jirin caddaymo la helay oo muujinaya in musuq balaadhan ama anshax-xumo ay dhacday, haddana warbixinta guddigu waxay soo-saartay talooyin taxan oo lagu kordhinayo kalsoonida waaxda lagu qabo iyo in la sii wado karti iyo isku-duubnaan xirfadeed oo heerka la rabo gaadhsiisan.

Warbixinta guddiga waxaa udub-dhexaad u ahayd abuuridda Xafiiska Ka-mas'uul-ahaansaha Khibradeed. Agaasimihii ugu horeeyay ee OPA wuxuu ahaa Sam Pailca, waxaana magacaabay duqa magaalada, waxaana 2000 ansixiyay golaha. Sida uu dhigayo sharciga magaaladu, xadka agaasimayaasha OPA waxay ugu badnaan adeegayaan waqti dhan lix sano. Agaasimaha waqtigan xaadirka oo ah Kathryn Olson waxaa magacaabay duqa magaalada, waxaana 2000 ansixiyay golaha.

Duqa magaaladu waxaa kale oo uu magacaabay Hanti dhawraha (Auditor) Xafiiska ka-mas'uul-ahaanshaha Khabirada, kaas oo ah qandaraasle madax-bannaan oo si furfuran baadhitaan ugu samayn doona faylasha baadhitaanka gudaha oo soo-jeedinaya talo-bixin ku-saabsan baadhitaanada. Xafiiska Golaha Naqtiinka ee Ka-mas'uul-ahaanshaha Khibradeed, oo ka-kooban saddex xubnood oo waddaniyiinah oo uu dhisay oo uu magacaabay Golaha Magaaladu, wuxuu samayn doonaa baahitaanno xidhan oo lagu go'aaminayo habka ay OPA-du ay hawshaa u farsamaysay. Kooxdu waxay warbixinteeda u soo gudbinaysaa Golaha Magaalada.